



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidecalogvs Theologico-Politicvs Reformatus

Dript, Laurentius a

Paderbornae, 1672

Approbationes Eximiorum Doctorum Almae & Celeberrimae Vnivers.
Coloniensis.

urn:nbn:de:hbz:466:1-13441

APPROBATIONES

Eximiorum Doctorum Almae & Celeberrimae Universitatis Coloniensis.

JUDICIVM DE LIBRO NOVO ANTI-DECALOGVS Theologico-Politicus inscripto.

Novus Theologus novus infernus, vetus est, & utinam non novum, verumque dictum! Cadit vero non in probæ vitæ, sanæque doctrinæ *Theologum*, qui inconcussæ *Decalogi* basi innixus, juxta & *Scripturæ*, & *Patrum* regulas, ea in lucem dogmata profert, quæ lectori cœlum monstrant, & factori lucem perennem pollicentur. At in quemlibet *Theologastrum* quadrat, qui novitatis, vanique nominis, avidus, eas orbi Christiano super vitæ, ac morum compositione conceptas sententias in libris suis obtrudit, quæ præceptis *Decalogi* è diametro oppositæ, lectorem, factoremque à planâ cœli viâ in timendam orci abyssum præcipitant, eoque; titulo non tam prælo, quam Vulcano dignas reor.

reor. Sanè quid inter utrumque intersit, Admodum Reverendus Pater LAURENTIUS à DRIFT, Ordinis S.Benedicti insigne lumen, per hunc suum *Anti-Decalogum Theologico-Politicum*, uti multijugæ eruditionis & industriæ, ita & hoc nomine nunquam satis laudatum opus, nervosè docet. Inspice, lector, Patris *Lectoris opus*, lege, sat scio, mecum senties, & sentiet, quicunque de novis dogmatibus istis, à quibus castæ, & purgatæ aures abhorrent, rectè sentit. Inspice, ac *lege* etiam Tu, Theologe, ac Tu Theologaster, *Authoriq_z* *Lectori* gratias uterque age. Vterque hīc, quod tibi scito opus, in opere præclaro, invenies: Tu, ut deinceps doceas, quæ benè docuisti: Tu, ut dedoceas, quæ malè docuisti. Ita sentiebam 21. Martij, die S.Patriarchæ Benedicto sacrâ, Anno 1671.

Vernerus Francken, SS.Theol.Doctor,
& Collegij ad SS.Apost.Decanus.

DIvo Paulo Doctore gentium teste ad
Hebræos cap. s. v. 13. & 14. Omnis qui
lactis est particeps, expers est sermonis justitiae,
perfectorum autem solidus est cibus, eorum,
qui pro ipsa consuetudine exercitatos habent
sensus ad discretionem boni & mali. Laxita-
tum Patroni lactantes, lac potum dant, non
solidam escam, *Antidecalogus* verò *Theolo-
gico Politicus* singulari industriâ, summa do-
ctrinâ, & dexteritate reformatus per Admo-
dum Reverendum & Religiosissimum Pa-
trem LAURENTIUM à DRIFT, Ordinis S.
Benedicti Professum contra benigniores
nonnullorum interpretationes à laxitati-
bus ablactans dat saniorem in discretio-
nem boni ac mali escam hinc dignus, ut lu-
cem aspiciat, literarum amantium Musæa
ornet, mensas honoret, Lectoremque cibo
solido reficiat, & satiet. Sic judico & sentio
Coloniæ 1671. 22. Martij.

Godefridus Molanus S. T. Doct. & Prof.

*Ordinar. ad SS. Severinum & Pan-
lum Canon. & Pastor, Seren. Princi-
pis Archiep. & Electoris Colon. Com-
missar. Ecclesiast. Prothonot. Apost.*

Quam

Vàm nervosè monet severus Cato,
Quàm facundè suadet aureus Orator ho-
mil. 44. in Matth. Si vestimentum empturus,
unum gyrat negotiatorem & alterum, & ibi
meliores uestes invenerit, ab illo comparat; an
non oportet populum circuire omnes Doctores,
& inquirere, ubi sincerè Christi veritas venun-
datur, & ubi corrupta, meliorem inquirere,
plusquam vestimentum? Quidni ergò ro-
gandus Lector, ut damnata nonnullorum
dogmata nec legat, neq; periculosa aliquo-
rum Novatorum opiniones sequatur; imò
& monendus, ut sedulò evolvat hunc *Anti-*
Decalogum ingeniosè elaboratum, securissi-
me què vulgatum pro fidei augmento, & te-
merariæ doctrinæ decremento: eò vel ma-
ximè, quòd fideles dilacerentur graviùs à
pravis Doctoribus, quàm à cruentissimis ho-
stibus? ut cùm ploratu cordis in epist ad Au-
gustin conqueritur Orisius. Cùm ergò varij
Pontifices præcipiant, quòd in dubijs, quæ
salutem animæ respiciunt, ad vitandos graves
remorsus conscientie, pars securior sit tenenda,
ut in Clement. Exivi. de V.S. & in c. ad audi-
tiam 12 de homicid. sicut & in c. juvenis 3. de
sponsalib. Nos infrascripti non tām appro-

) (6 bandum

bandum censemus hunc *Anti-Decalogum*,
quām gratificandum *Eruditissimo ac Nobis-*
lissimo ejusdem Authori; & ab illo peten-
dum, ut ulterioribus scriptis cohibeat cœ-
cos, & impugnet duces cœcorum: ne ingre-
diantur, ac suadeant viam, quæ ex opere be-
nè opinantis videtur homini recta, Proverb.
16.25. & novissima illius ex opere male ope-
rantis dicit in interitum. Coloniæ in Con-
ventu S. Crucis Ordinis Prædicatorum,
M. DC. LXXI. in festo S. Gregorij Ma-
gni, Maximi laxitatum censoris, ac osoris.

Fr. Casparus von Collen Ord. Præd.
S.T. Doctor, p.t. Prior Conven-
tus Coloniensis, & ad tractum
Rheni ac Moselle Vicarius Pro-
vincialis.

Fr. Henricus Hilden, Ord. Prædic.
S. Theol. Doctor, & in Universi-
tate Coloniensi Publicus, & Or-
dinarius ejusdem Professor: ac
in Conventu Generalis Studij
Regens.

Anti-

A Ntidecalogum Theologico-Politicum,
seu Decalogum perniciosis moralista-
rum quorundam laxitatibus & pravis hære-
ticorum dogmatibus deformatum, quein-
admodum Reverendus ac Religiosus Pater
LAURENTIUS à DRIFT, Ordinis S. Benedi-
cti, SS. Theologiæ Lector, nunc sicut reli-
giose reformatum legi; & quia in eodem ni-
hil Christianæ fidei, vel probatis Christiania-
norum moribus contrarium; sed veram po-
tiū ab Authore prædicto solidè ac mode-
stè gropugnatam doctrinam reperi, publicâ
luce, ac prælo judico dignum, ut timorato-
rum manibus teratur. Dabam Coloniz 25.
Martij Anno 1671.

Joannes Syberk SS. Theologiæ Do-
ctor ac Professor Ordinarius
Collegiate Ecclesiæ S. Andreæ
Canon. Presbyter.

Librum (qui inscribitur *e AntiDecalogus
Theologico-Politicus reformatus &c.*)
eruditè compositum ab Adm. Rever. Patre
LAURENTIO à DRIFT: Ordinis S. Benedi-
cti SS. Theol. Lectore &c. legi, & nihil fidei
aut Christianis moribus contrarium reperi,
sed potius utilissima morum documenta, tu-
tas conscientiæ formandæ regulas, atque an-
tiquam & sanam doctrinam à dicto Autho-
re solide propugnatam rejectis atque refu-
tatis quorundam Moralistarum pernitosis
laxitatibus & hæreticis Machiavelli, ejusque
asseclarum pseudopoliticorum sententijs.
Hinc prælo & publicâ luce dignum censeo.
Datum Coloniæ in Conventu S. P. Augu-
stini Anno Domini 1671. die 23. Martij.

*Fr. Joannes Schweizer/Ord. Erem.
S.P. Augustini SS. Theol. Doctor
& Professor.*

Quem-

Vemadmodum olim in lege Mosaica,
scribæ & Pharisei quædam Decalogi
præcepta pravis suis interpretationibus, sub
specie traditionum Majorum perverterunt,
rudemque plebem, sibi velut Legis Docto-
ribus obsequientem, in præcipitia transgres-
sionum devolverunt : ita hodieum pluri-
mos laxitatum Cusores & Præcones reperi-
re est, qui opinionum suarum commentis,
sub probabilitatis prætextu, ansam præbent
Christianis legem transgrediendi Evangelici-
cam, afferentes, unicuique licere, quidquid
propria conscientia probabilitate subnixa,
agendum dictaverit. Contra quos Admo-
dum Reverendus, & Pereruditus Pater ac
Dominus LAURENTIUS à DRIFT Venlo-
nensis, Ordinis S.P. Benedicti Presbyter. SS.
Theol. plures in annos indefessus Lector
&c. in *Anti-Decalogo* suo insigni, rarâ, & clarâ
eruditione, Authorum nominibus religiosè
suppressis elaborato, calatum suum strinxit,
quem proinde prœlo & publicâ luce dignum
censeo, utilemq; judico, ut à timoratis con-
sciétijs legatur. Colon. Agrip. 23 Mart. 1671.

F. Theodorus Deghens; SS. Theol. Doctor &
Professor Ordinar. Canonicor. Regularium
S. Crucis Domus Coloniensis Prior.

Censura